

Buletineko gaiak:

1. *Familien asebetetze galdetegia*
2. *Errigoraren kanpaina, martxan*
3. *Truk Txapelketa, bihar*
4. *Oiartzoko ate irekiak: martxoak 17*
 - *Apartekoak*

Berri orokorrak

1. Familien asebetetze galdetegia

Datorren astelehenean, Alexiatik jakinarazpen bat jasoko duzue **Haurtzaro Ikastolako familien asebetetze galdetegiarekin**. Galdetegi honekin, Haurtzaro Ikastolako eremu ezberdinekiko zuen asebetetze maila jakin nahi dugu, emaitzak aztertu eta hobekuntza plan bat bideratu ahal izateko. Zuen partehartzea ezinbestekoa da galdetegi honetan jasotako emaitzak ahalik eta zehatzenak eta esanguratsuneak izan daitezen. Beraz, mesedez eskatzen dizuegu, denbora tarte bat eskaini betetzeko, elkarrekin aurrerapausoak eman ditzagun.

Kontuan izan beharrekoak:

- Betetzeko epea: **martxoaren 14tik 25era (biak barne)**.
- **Familia bakoitzeko erantzun bat** ematea eskatzen dizuegu.
- Galdetegia guztiz anonimoa da, baina zuen ikastolako erabiltzaile eta pasahitza (ikastolako postarako erabiltzen duzuen) beharrezkoak dira galdetegira sartzeko.

Edozein duda baduzue, gurekin harremanetan jarri mesedez.

2. Errigoraren udaberriko kanpaina, martxan

Abiatu dute **aurtengo Eskutik eskura kanpaina Errigorako kideek**: "Nafarroa hegoalde eta erdialdeko oliba-olio birjina estra, kontserbak, arroza, pasta eta lekaleak kontsumitzeko bestelako modu bat, bestelako ekoizpen eta banaketa-ereduen bila".

Informazioa eta eskariak (martxoaren 30era arte): www.errigora.eus. **Bertan ordaindu, eskaria egitearekin batera**. Banaketa egunak: **maiatzak 12 eta 13**. Erosketa egin ondorengo emailan jasoko dituzue zehaztasunak.



3. DBH4koek antolatutako Truk Txapelketa, bihar

HIRU HIRUKO txapelketaren bigarren jardunaldia egingo dute **bihar larunbata, martxoaren 12, 16:00etan ikastolako frontoian.**

DBH4ko ikasleak ikasturte bukaerarako bidaia finantzatzeko antolatutako truk txapelketa izango da. Sari bikainak izango dira berriz ere, ANIMATU!



4. Oiartzoko ate irekiak: martxoak 17

Martxoaren 17an, arratsaldeko 17:00etik 20:00etara Oiartzoko atea irekita egongo dira ikastola ezagutu nahi duen edonorentzat.

Izen-ematea eta informazio gehiago Oiartzoko webgunean: www.oiartzoikastola.eus/ate-irekiak/

Apartekoak

1. Udan Saharako haurrak etxean hartzeko deialdia

AURTEN BAI! AURTEN ELKARTUKO GARA!

Pandemiak mundu osoa hankaz gora jarri du, baita saharar herriaren egunerokotasuna ere. Pandemiaren ondorioz, 2020an eta 2021ean Oporrak Bakean programa bertan behera geratu zen. Covid-19ak gogor jo ditu saharar errefuxiatuen kanpalekuak, baina gainera, 2020ko azaroaren 13an su-etena bertan behera geratu zen, eta soldaduak gerran daude.

Saharar herriak gure elkartasuna behar du oraindik, eta haien ondoan egongo garela sentiaraziko diegu, beren lurraldera, Mendebaldeko Saharara, itzuli arte. **Gure proiektuarekin bat egin nahi duzu?**

Uda honetan haur saharar bat etxean hartu nahi baduzu edo programari buruz informazio gehiago jaso nahi baduzu, hurbildu zaitetz **martxoaren 18an, arratsaldean, Oiartzungo plazan jarriko** dugun haimara edota jarri gurekin harremanetan **605 713 692 telefono zenbakian** edo **sahara_oiartzun@hotmail.com helbide elektronikoan** (izena emateko azken eguna, martxoak 27).

El Watan elkarte



2. Korrika laguntzeko deialdia

Hemen da 22. Korrika! Berriz ere, zure laguntzari esker Euskal Herriko bazter guztietara zabalduko dugu euskararen aldeko mezua.

Dakizuenek, KORRIKAREN helburu garrantzitsuenetakoa da euskalduntze-alfabetatzerako bitartekoak eskuratzea eta euskaltegien zein gau eskolen lana sustatzea. 22. **KORRIKAK jasotzen duen dirua, beraz, Euskal Herri osoko gau eskolei eta euskaltegiei laguntzeko erabiliko dute.**

Atxikitako orrialdean duzue laguntza emateko bideen gaineko informazio guztia.

3. Gure hilak oroitzeko eguna elkarrekin antolatzeko deia

Bihar, martxoak 12 larunbata, 16:30ean jarri dute hitzordua Abaraxka ludotekan, denon proposamenekin martxoaren 19a antolatzeko: "Gogoratu GURE HILAK OROITUKO ditugula martxoaren 19an, 17:00etan Ibergainen, bertan baitugu Intxaurrondoa landatua".

Zure proposamena luzatzeko oraindik garaiz zabilta, Abaraxkara hurbilduz edota [inkesta hau betez](#).

4. Euskal Udalekuak

UDA BETE ABENTURA, EUSKARAZ, ZURE ESKURA!

Udan ere euskaraz bizi nahi duenak horretarako aukera ezin hobea du EUSKAL UDALEKUETAN (**LH1etik aurrera**). 40 urte baino gehiago pasatu dira **euskara hutsezko udalekuak** antolatzen hasi zirenetik, eta gaur egun ere hasiera hartako asmo eta ilusio berberak dituzte **Abaigar, Goñi eta Bernedoko Euskal Udalekuetan** dabiltzan hezitzaileek: "Lan boluntarioa eginez, Euskal Herri osotik gure artera datozen ume eta gazteei udan ere euskaraz bizitzeko eta gozatzeko aukera eskaintzen diegu".

BIZI EZAZU UDA EUSKARATIK ETA EUSKARAZ!

ZATOZ EUSKAL UDALEKUETARA!

Informazio guztia eta izen-emateak: <http://udalekuak.eus/>

5. Udalekuak eta Gazte Oporraldiak

Aurten ere Gipuzkoako Foru Aldundiaren udako jardueren kanpainaren berri eman nahi dizuegu. Udalekuak eta Gazte Oporraldiak programei buruzko informazio guztia webguneetan ikusi ahal duzue (www.gipuzkoa.eus/udalekuak edo www.gipuzkoa.eus/GO).

Kontuan izan aurretiko izen-ematea **martxoaren 21etik 29ra bitartean** izango dela.

